

嚴維集卷上


五言律詩

酬劉員外長卿見寄

蘇耽佐郡時近出白雲司藥補清羸疾窓吟絕妙
詞柳塘春水漫花塢夕陽遲欲識懷君意明朝訪
檄師

酬王侍御西陵渡見寄

前年萬里別昨日一封書郢曲西陵渡秦官使者
車柳塘薰晝日花水溢春渠若不嫌雞黍先令埽
樊廬



酬普選二上人相期見寄

本意宿東林因聽子賤琴遙知大小朗已斷去來
心夜靜溪聲近庭寒月色深寧知塵外意定後更
成吟

送少微上人東南遊

舊遊多不見師在翟公門瘴海空山熱雷州白日
昏片心應爲法萬里獨無言人盡酬恩去平生未
感恩

宿法華寺

一夕雨沉沉哀猿萬木吟陰龍常護法

老密看

心魚梵空山靜紗燈古殿深無生久學白髮波
相侵

同韓翃員外宿雲門寺

小嶺路雖近仙郎此夕過潭空觀月定澗靜見雲
多竹翠煙深色松聲雨點和萬緣俱不有對境自
垂蘿

奉和皇甫冉大夫夏日遊華嚴寺

初地華嚴會王家少長行到官龍節駐禮塔鴈行
成蓮界千峰靜梅天一雨清禪庭未可戀聖主寄
蒼生

九日陪崔峒郎中北山燕

上客南臺至重陽此會文菊芳寒露洗杯翠夕陽
曛務簡人同醉溪閑鳥自群府中官最小唯有益
參軍

荆溪館呈丘義興

失路荆溪上依仁忽暝投長橋今夜月陽羨古時
州野燒明山郭寒更出縣樓先生能館我無事五
湖遊

贈萬金

萬公長慢世

又隳官縱酒真彭澤論詩得楚

安家山伯禹穴別墅少城千
眼看
秋夜行船
扁舟時屬暝月上有餘輝海燕秋還去漁人夜不
歸中流何寂寂孤棹也依依一點前村火誰家未
掩扉

別至弘上人

勗稱弘偃少早歲草茅居年老從僧律生知解佛
書衲衣求壞帛野飯拾春蔬章句無求斷詩中學
有餘

詠孩子

嘉客會初筵宜時魄再圓衆皆含笑戲誰不點頰
憐繡被花堪摘羅縐色欲妍將雛有舊曲還入武
城絃

送李端

故園衰草遍離別正堪悲路出寒雲外人歸暮雪
時少孤爲客早多難識君遲掩泣空相憶風塵何
所期

送桃巖成上人歸本寺

長老歸緣起桃花憶舊巖清晨雲抱石深夜月籠

衫道具門人捧齋糧谷鳥銜餘生願依止文字欲

三緘

酬耿緯拾遺題贈

掩扉嘗自靜驛吏忽傳呼水巷驚馴鳥藜牀起病
軀顧身悲欲老戒子力爲儒明日公西去煙霞復
作徒

送薛尚書入蜀

卑情不敢論拜手立轅門列郡諸侯長登朝八座
尊疑笳臨水發行旆向風翻幾許遺黎泣同懷父
母恩

一公新泉

山下新泉出泠泠此發源落池纔有響噴石未成
痕獨映孤松色殊分衆鳥喧唯當清夜月觀此啓
禪門

送李秘書往儋州

魑魅曾爲伍蓬萊近拜郎臣心瞻北闕家事在南
荒莎草山城小毛洲海驛長玄成知必大寧是泛
滄浪

白雲陽歸晚泊陸澧宅

天陰行易晚前路故人居孤棹所思久冒寒相見

初聞燈忘夜永清漏任更疎明發還須去離家
歲除

留別鄒紹先劉長卿員外

中年從一尉自歎此身非道在甘微祿時輕耻息
機晨趨本郡府晝掩故山扉待得干戈畢何妨更
採薇

贈送朱放

昔年居漢水日醉習家池道勝迹常在名高身不
知欲依天日住新自始寧移生事仍無長惟將白
接羅

陪皇甫冉大夫謁禹廟

竹使羞殷薦松龕拜夏祠為魚歌德後舞羽降神
時文衛瞻如在精靈信有期夕陽陪醉止塘上鳥
咸遲

同王徵君湘中有懷

八月洞庭秋瀟湘水北流還家萬里夢為客五更
愁不用看書帙偏宜上酒樓故人京洛滿何日復
同游

送崔子何

旅食來江上求名赴洛陽新詩宗謝守內學似支

郎行怯秦為客心依越是鄉何人作知己送爾淚
浪浪

送舍弟

疎懶吾成性才華爾自強早稱眉最白何事綬仍
黃時暑嗟千邁家貧念聚糧祗應宵夢裏詩興屬
池塘

酬謝侍御喜王宇及第見賀不遇

寒寔柴門掩經過柱史榮老夫寧有力半子自成
名柳映三橋發花連上道明緘書到別墅郢曲果
先成

秋日與諸公文會天口寺

相訪從吾道因緣會爾時龍盤餘帝宅花界古人
祠明月虛空色青林大小枝還將經濟學來問道
安師

僧房避暑

支公好間寤庭宇愛林篁幽曠無煩暑恬和不可
量蕙風清水殿荷氣雜天香明月談空坐恬然道
術忘

晦日宴遊

晦日湔裾俗春樓致酒時出山還已醉謝客舊院

詩谿柳薰晴淺巖花待閨遲爲邦久無事比屋自
熙熙

九月十日即事

家貧惟種竹時幸故人看菊度重陽少林經閨月
寒宿醒猶落帽華髮強扶冠美景良難得今朝更
盡歡

夏日納涼

山陰過野客鏡裏接僊郎盟漱臨寒水塞闌入夏
堂杉松交日影枕簟上湖光袞袞承嘉話清風納
晚涼

示外甥

牽役非吾好寬情爾在傍經過悲井邑起坐倦舟
航上宅生應貴逢時學可強無輕吾未用世事有
行藏

晚霽登王六東閣

試上江樓望初逢山雨晴連空青嶂合向晚白雲
生美惡列殊觀蕭條見遠情望來不可極日暮水
流清

嚴維集卷上

五言排律

送丘為下第歸蘇州

滄江一身客獻賦空十年明主豈能好今人誰舉
賢國門稅征駕旅食謀歸旋曠日媚春水綠蘋香
客船無媒既不達余亦思歸田

剡中贈張侍御

辟疆年正少公子貴初還早列公卿位新叅柱史
班千夫馳驛道駟馬入家山深巷烏衣盛高門畫
戟閑逶迤天樂下照耀剡溪間自賤遊章句空為

巖維集卷下
衰草顏

奉和劉祭酒傷白馬

沛艾如龍馬來從上苑中
棣華恩見賜伯舅禮仍
崇鏡點黃金眼花開白雪
驄性柔君子德足逸大
王風色點鳴珂淨聲連噴
玉雄食場恩未盡迴隙
命旋終練影依雲沒銀鞍
向月空仍聞樂府中猶
念代勞功

奉和獨孤中丞游雲門寺作

絕壑開花界耶溪極上源
光輝三獨座登陟五雲
門深木鳴騶馭晴山躍武
賁亂泉觀坐卧踈磬發

朝昏看翠新秋色
正毋苔積雨痕上方看度鳥後夜
聽吟猿異跡焚香對新詩酌茗論歸來還撫俗諸
老莫攀轅

水精環

王室符長慶環中得水精
任圓循不極見素質仍
貞信是天然瑞非因樸斲
戒無瑕勝玉美至潔過
冰清未肯齊珉價寧同雜
珮聲能銜任黃雀亦欲
應時明

奉和皇甫冉大夫祈雨應時雨降

政和知必感歲旱未書灾
伯禹明靈降元戎禱請

來九成陳夏樂三獻奉殷壘掣曳旗交電鏗鏘鼓
應雷行雲依蓋轉飛雨逐車回欲識皇天意爲霖
覓在哉

贈別劉長卿
于已可南巖中丞幕府

早見登郎署同時跡下僚幾年江路永今去國門
遙文變騷人體官移漢帝朝望山吟度日接枕話
通宵萬里趨公府孤帆恨信潮匡時知己老聖代
耻逃堯

題鮑行軍小閣

宇下無留事經營意獨新文房已得地相閣是推

輪席上招賢急山陰對雪頻虛明先日暮啓閉異
冬春談笑兵家法逢迎幕府賓還依負暄處時借
在陰人

哭靈一上人

一公何不在空有遠公名共說岑山路今時不可
行舊房松更老新塔草初生經論傳緇侶文章遍
墨卿禪林枝幹折法宇棟梁傾誰復脩僧史應知
傳已成

七言律詩

送崔峒使往睦州兼寄薛司

如今相府用英髦獨往南州肯苦勞冰水近開漁
浦出雪雲初卷定山高木奴花映桐廬縣青雀舟
隨白露濤使者須應訪廉吏府中唯有范功曹

九日登高

詩家九日憐芳菊逐客高齋瞰浙江漁浦浪花搖
素壁西陵樹色入秋窓木奴向熟懸金實桑落新
開瀉玉缸四子醉時爭講德笑論黃霸屈爲邦

送薛居士和州讀書

孤雲獨鶴共悠悠萬卷經書一葉舟楚地巢城民
舍少煙村社樹鷺湖秋蒿萊織妾晨炊黍隅地耕

童夕放牛年少不應辭苦節諸生喜遇一封侯

餘姚奉寄鮑參軍

童年獻賦在皇州方寸唯思君與侯萬事無成新
白首兩春虛擲對滄流歌詩盛賦文星動簫管新
亭晦日遊知己欲依何水部鄉人今正賦東丘

謝諸公宿鏡水宅

幸免低頭向府中貴將藜藿與君同陽鴈叫霜來
枕上寒山映月在湖中詩書何德名夫子草木推
年長數公聞道漢家偏長少此身那比訪芝翁

題茅山李尊師所居

天師百歲少如童不到山中更不逢洗藥每臨新
瀑水步虛時繞最高峯籬根五月留殘雪座右千
年蔭古松此去人寰知近遠迴看路隔一重重

書情獻相公

年來白髮欲星星誤却生涯是一經魏闕望來何
日見商歌奏罷復誰聽孤根獨棄慙山木弱質無
成狀水萍今日更須詢哲匠不應休去老巖扃

送房元直赴京

猶道樓蘭千萬師書生匹馬去何之臨岐未斷還
家日望月空吟出塞詩常欲激昂論上策不應顛

顛老明時遙知到日逢寒食彩筆長吟會早霜

書情上李蘇州

東土苗人尚有殘皇皇亞相出朝端手持國憲群
僚畏口喻天慈百姓安禮數自憐今日絕風流空
計往年歡誤着青袍將十載忍來漁浦却垂竿

五言絕句

送人入金華

明月雙溪水清風八詠樓少年爲客處今日送君
遊

江南三月

嚴維集卷下
五
江南季春天，蓴菜細如絃。湖邊草作逕，湖上葉如船。

六言

答劉長卿蛇浦橋月下重送之作

月色今宵最明，庭閒夜久天清。寂寞多年老宦，殷勤遠別深情。溪臨脩竹煙色，風落高梧雨聲。耿耿相看不寐，遙聞遠柝山城。

七言絕句

丹陽送韋參軍

丹陽郭裏送行舟，一別心知兩地秋。日晚江南望

江北，雲天盡不悠悠。

蕭初喜皇甫侍御至

湖上新正逢故人，情深應不笑家貧。明朝別後門還掩，脩竹千竿一老人。

相里使君宅聽惠澄上人吹小管

秦僧吹竹閉秋城，早在梨園稱主情。今夕襄陽山太守，坐中流淚聽商聲。

宿天竺寺

方外主人名道林，怕將水月淨身心。居然對我說無我，寤歷山深將夜深。

答劉長卿員外七里瀨重送

新安非欲枉帆過海內如君有幾何
醉裏別時秋水色老人南望一狂歌

發桐廬寄劉長卿員外

處處雲山無盡時桐廬南望轉參差
舟人莫道新安近欲上潺潺行自遲

嚴維集卷下

顧況集卷上

五言古詩

擬古三首

龍劍昔藏影送雄雷其誰人生阻歡會神物亦別
離碧樹感秋落佳人無返期夜琴爲君咽浮雲爲
君滋愛 勿不見星漢徒參差

幽居盼天造胡息運行機春葩妍旣榮秋葉瘁以
飛滔滔川之逝日沒月光輝所貴法乾健于道悟
入微任絳聲勢從得志方誇毗

浮生果何慕老去羨介推陶今何足錄彭澤歸已

已遲空負漉酒巾乞食形諸詩吾惟抱貞素悠悠
白雲期

棄婦詞

古人雖棄婦棄婦有歸處今日妾辭君辭君欲何
去本家零盡慟哭來時路憶昔未嫁君聞君甚
周旋及與同結髮值君適幽燕孤魂託飛鳥兩眼
如流泉流泉咽不燥萬里關山道及至見君歸君
歸妾已老物情棄衰歇新寵方好拭淚出故房
傷心劇秋草妾以憔悴捐羞將舊物還餘生欲有
寄誰肯相留連空寸虛塵不覺塵埃厚寒水落

芙蓉秋風墮楊柳記得初嫁君小姑始扶牀今日
君棄妾小姑如妾長回首語小姑莫嫁如兄夫

從軍行二首

弭節結徒侶速征赴龍城單于近突圍烽燧屢夜
驚長弓挽滿月劍華霜雪明遠道百草殞峭覺寒
風生風寒欲破肌爭柰裘襖輕回首家不見候鴈
空中鳴笳奏還以哀肅肅趣嚴程寄語塞外胡擁
騎休橫行

少年膽氣麤好勇萬人敵伏劍出門去三邊正艱
厄怒目時一呼萬騎皆辟易殺人蓬麻輕走馬汗

血滴醜膚何足清天山坐寧謐不有封侯相徒負
幽并客

塞上曲

黠虜初南下塵飛塞北境漢將懷不平雙警擾當遠
屏金革卧不暖起舞霜月冷點軍三十千部伍嚴
以整酣戰祈成功于焉罷邊釁

嚴公釣臺作

靈芝產遐方威鳳駕重霄嚴公何耿潔託志肩夷
巢漢后雖則貴子陵不知高糠粃富世道長揖夔
龍朝掃門彼何人昇降不同朝捨舟遂長往山谷

多清風

弋陽溪中望仙人城

何草乏靈姿無山不孤絕我行雖云蹇偶勝聊換
節上界浮中流光響洞明滅晚禽曝霜羽寒魚仁
石髮自有無還心隔波望松雪

奉和同郎中韋使君郡齋雨中宴集

好鳥依嘉樹飛雨灑高城况與數君子列坐分兩
楹文雅一何麗林塘含餘清我未歸朝游子不
待晴白雲帝鄉之滄江楓葉鳴拜手欲無言零淚
如酒傾寸心已摧折別離方骨驚安得凌風翰肅

肅賓天京

謝王郎中見贈琴鶴

此琴等焦尾此鶴方胎生赴節何徘徊感物自
并獨立江海上一彈天地清朱絃動瑤華白羽飄
玉京因想羨門輩眇然四體輕子喬翔鄧林王母
遊層城忽如啓靈署鸞鳳相呼鳴何由玉女牀去
食琅玕英

華山西岡遊贈隱玄叟

群峯鬱初霽潑黛若鬟沐失風鼓唵呀搖撼千灌
木木葉微墮黃石泉淨停綠危磴蘿薜牽迥步入

幽谷我心寄青霞世事慙蒼屨迄今巢許輩于焉
謝塵俗想是悠悠雲可契去留躅

初秋蓮塘歸

秋光淨無跡蓮消錦雲紅只有溪上山還識揚舠
翁如何白蘋花幽渚笑涼風

長安竇明府後亭

君爲長安令我美長安政五日一朝天南山對明
鏡鳥飛青苔院水木相輝映客至南薰鄉絲桐展
歌詠吏人何肅肅終歲無喧競欲識明府賢邑中
多百姓

和翰林吳舍人兄弟西齋

君家誠易知易知復難同新裁一尺詔早入明光
宮西齋何其高上與星漢通永懷洞庭石春色相
玲瓏又懷巴峽泉夜落君絲桐信是怡神所迢迢
薨華嵩鳥飛晴雲滅疊嶂盤虛空君家誠易知易
知意難窮

從江西至彭蠡入浙西淮南界道中寄齊

相公

大賢舊丞相作鎮江上雄自鎮江上來何人得如
公處士待徐孺仙人期葛洪一身控上遊八郡趨

下風比屋除畏溺林塘曳煙虹生人罷虔劉并稅
均以克大府肅無事歡言接悲翁心清百丈泉目
送孤飛鴻數年鄱陽掾抱責棲微躬首陽及汨羅
無乃偏其衷楊朱并阮籍未免哀途窮四賢雖得
仁此怨何怱怱老氏齊寵辱於陵一窮通本師留
度門平等寃親同能依二諦法了達三輪空真境
靡方所出則內外中無邊盡未來定惠雙修功蹇
步慙寸進飾裝隨轉蓬朝行楚水陰夕宿吳洲東
吳洲覆白雲楚水飄丹楓晚霞燒迴潮千里光曠
曠莫開海上影桂吐淮南叢何當翼明庭草木生

春融

七言古詩

公子行

輕薄兒面如玉紫陌春風纏馬足雙鞞懸金縷鶻
飛長衫刺雪生犀束綠槐夾道陰初成珊瑚幾節
流星紅肌拂拂酒光凝當街背拉金吾行朝遊
鼕鼕鼓聲發暮遊鼕鼕鼓聲絕入門不冑自升堂
美人扶踏金堦月

幽居弄

苔衣生花露滴月入西林蕩東壁扣商占角兩三
聲洞戶深窓一冥寂獨去滄洲無四鄰身嬰世網
此何身關情命曲寄惆悵久別山南山裏人

行路難二首

君不見見擔雪塞井徒用力炊沙作飯豈堪喫一生
肝膽向人盡相識不如不相識冬青樹上掛凌霄
歲晏花凋樹不凋凡物多自有根本種禾終不生
荳苗行路難行路難何處是平道中心無事當富
貴今日覺君顏色好

君不見少年頭上如雲髮少壯如雲老如雪豈知
灌頂有醍醐能使清涼頭不熱呂梁之水掛飛流

龜龜蛟蜃不敢遊少年恃險若平地獨倚長劍凌
清秋行路難行路難昔少年今已老前朝竹帛事
皆空日暮牛羊古城草

悲歌并序

情思發動聖賢所不免也故師乙陳其宜延陵審
其音理亂之所經王化之所興信無逃于聲豈
文彩之麗耶遂作歌以悲之

邊城路今人犁田昔人墓岸上沙昔時江水今人
家今人昔人共長嘆四氣相催節迴換明月皎皎
華池白雲離離度青漢

短歌行

我欲昇天天隔霄我欲渡水水無橋我欲上山山
路險我欲汲井井泉遙越人翠被今何夕獨立沙
邊江草碧紫燕西飛欲寄書白雲何處蓬萊客

遠思曲

新繫青絲百尺繩心在君家轆轤上我心皎潔君
不知轆轤一轉一凋悵何處春風吹曉幕江南淥
水通朱閣美人二八顏如花泣向春風畏花落臨
春風聽春鳥別時多見時少愁人一夜不得眠瑤
井玉繩相對曉

攀龍引

軒轅黃帝初得仙，鼎湖一去三千年。周流三十六
洞天，洞中日月星辰聯。騎龍駕景遊八極，軒轅弓
劍無人識。東海青童寄消息。

春草謠

春草不解行，隨人上東城。正月二，月色綿綿千里
萬里傷人情。

八月五日歌

四月八日明星出，摩耶夫人降前佛。八月五日佳
氣新，昭成太后生聖人。開元九年燕公說奉詔聽

置千秋節，丹青廟裏貯姚宋。花萼樓中宴歧薛，清
樂靈香幾處聞。鸞歌鳳吹動祥雲，已於武庫見靈
鳥。仍向晉山逢老君，率土普天無不樂。河清海晏
窮寥廓，梨園子弟傳法曲。張果先生進仙藥，玉座
淒涼遊帝京。悲翁回首望承明，雲韶九奏杳然遠。
唯有五陵松柏聲。

露清竹枝歌

鮮于仲通正當年，章仇兼瓊在蜀川。約束蜀兒採
馬鞭，蜀兒採鞭不敢眠。橫截斜飛飛鳥邊，繩橋夜
上層崖顛。頭插白雲，飛泉採得馬鞭長。且堅浮

滙丁子珠聯聯灰煮蠟楷光爛然章仇兼瓊持上
天上天雨露何其偏飛龍閭厩馬數千朝飲吳江
夕秣燕紅塵撲轡汗濕韉獅子麒麟聊比肩江百
昆明洗刷牽四蹄踏浪頭天蛟龍稽顙河伯虔
拓羯胡雛脚手鮮陳閔韓幹丹青妍欲邈未貌眼
欲穿金鞍玉勒錦連乾騎入桃花楊柳煙十二樓
中奏管絃樓中美人奪神仙爭愛大家把此鞭祿
山入關關破年忽見楊州北邙前祇有人還千一
錢亭亭筆直無皺節磨將形相一條鐵市頭格是
無人別江梅賤臣不拘纜垂牕掛影西窓缺稚子

采桃仰穴家童拾薪幾拗折玉潤猶沾玉壘雪
鮮似染長弘血蜀帝城邊子規咽相如橋上文
右絕往年策馬降至尊七盤九折橫劍門穆王八
駿超崑崙安用冉冉孤山根聖人不貴難得貨金
玉珊瑚誰買息

金璫玉珮歌

贈君金璫太霄之玉珮金鎖禹步之流珠五嶽真
君之秘籙九天文人之寶書東并沐浴辰巳畢先
進洞房上奔日借問君欲何處來黃姑織女機邊
出

口晚歌

日窅窅兮下山望佳人兮不還花落兮屋上草生
今階間日日兮春風芳菲兮欲老不可兮更少
君胡爲兮輕別

瑤草春

并序

隴西李迅者納別宅監奴出迅不喜欲訪故人爲
刺史強而配焉旣歸而不合監奴投井而死因作
瑤草春歌以悲之

瑤草春杳容與江南艷歌京西舞執心輕子都信
節冠秋胡議以腰支嫁時論自有夫蟬髮蛾眉明

井底燕裾趙袂縈轆轤李生聞之淚如綆不忍回
頭看此井月中桂樹落一枝池上鷓鴣喚孤影露
桃穠李自成蹊流水終天不向西翠帳綠窓寒寐
錦茵羅薦夜凄凄瑤草春丹井遠別後相思意深
淺

劉禪奴彈琵琶歌

樂府只傳橫吹好琵琶寫出關山道羈鴻出塞繞
黃雲邊馬仰天嘶白草明妃怨中漢使迴蔡琰愁
處胡笳哀神鬼知妙欲收嚮陰風切切四面來李
陵寄書別蘇武自有人生無此苦當時若值霍嫖

姚斌盡烏孫奪公主

顧况集卷上

顧况集卷上

吳時用書黃
居賢金賢刻

顧况集卷下

五言律詩

洛陽早春

何地避春愁終年憶舊遊一家千里外百舌五更
頭客路偏逢雨鄉山不入樓故園桃李月伊水向
東流

步虛詞

迥步遊三洞清心禮七真飛符超羽翼焚火醮星
辰殘藥沾鷄犬靈香出鳳麟壺中無窄處願得一
容身

鄱陽大雲寺一公房

盡日陪遊處斜陽竹院清定中觀有漏言外證無
生色界聊傳法空門不用情欲知相去近鐘鼓兩
聞聲

送友失意南歸

衣揮京洛塵完璞伴歸人故國青山徧滄江白髮
新隣荒收酒幔屋古布苔茵不用通名姓漁樵共
主賓

南歸

老病力難任猶多鏡雪侵鱸魚消宦况鷗鳥識歸

心急雨江帆重殘更驛樹深鄉關殊可望漸漸入
吳音

閒居自述

榮辱不關身誰為踈與
塵白髮偏添壽黃花不笑
何人
堪結屋無地可容
得朝暮醉陶令果

五言排律

寄江南鶴林寺石冰上人

山川重複出心地閣相逢忽憶秋江月如聞古寺
鐘湖平南北岸雲抱兩三峰定力超香象真言攝

毒龍風中何處鶴石上幾年松為報煙霞道人間
共不容

樂府

暖谷春光至宸遊近甸榮雲隨天仗轉風入御簾
輕翠蓋浮佳氣朱樓倚太清朝臣冠劍退宮女管
絃迎細草承雕輦繁花入幔城文房開聖藻武衛
宿天營玉醴隨觴至銅壺逐漏行五星含土德萬
姓徹中聲親祀先宗典躬推示勸耕國風新正樂
農器近銷兵道德關河固刑章日月明野人同
歡率舞感昇平

送從兄奉使新羅

六氣銅渾轉三光玉律調河宮清奉賚海岳晏來
朝地接提封入天平賜貢饒揚威輕破虜柔服耻
征遼曙色黃金闕寒聲白鷺潮樓船方習戰驄馬
是嘉招帝女飛嘶石鮫人賣淚綃管寧雖不偶徐
稚倘相邀獨島懸空翠孤霞上次寥蟾蜍同漢月
蟠螭異秦橋水豹橫吹浪花鷹迥拂霄晨裝凌渺
漭夜泊記招搖幾路通玄嶠何山是沃焦颶風晴
自陰火暝潛燒鬢髮成新髻人參長舊苗扶羸
迎日近折柳帶津遙夢向愁中積魂當別處銷臨

川思結網見彈欲求鷗共散羲和曆誰差甲子朝
滄海伏忠信譯語辨謳謠疊鼓鯨鱗隱陰帆鷁首
飄南溟垂大翼西海飲文鯨指景尋靈草排雲聽
洞簫封侯萬里外未肯後班超

七言律詩

送大理張卿

春色依依傷解携月卿今夜泊隋堤白沙洲上江
籬長綠樹村邊謝豹啼遷客本來無倚仗故人相
去隔雲泥越禽唯有南枝分目送歸鴻飛向西

宿湖邊山寺

群峰過雨澗淙淙松下扉扃白鶴雙香透經牕
檜栢雲生梵宇濕旛幢蒲團僧定風過席葦岸漁
歌月墮江誰悟此生同寂滅老禪慧力得心降

湖南客中春望

鳴鴈嘹嘹北向頻淶波何處是通津風塵海內憐
雙鬢涕淚天涯慘一身故里音書應望絕異鄉景
物又更新便拋印綬從歸隱吳渚香萼漫吐春

閒居懷舊

日長鼓腹愛吾廬洗竹澆花興有餘騷客空傳成
相賦晉人已負絕交書貧居謫所誰推轂仕向侯

門耻曳裾今日思來總皆罔汗青功業又何如
五言絕句

憶鄱陽舊遊

悠悠南國思夜向江南泊楚客斷腸時月明楓子
落

春懷

園鶯啼已倦樹樹墮香紅不是春相肯當由已自
翁

洛陽陌二首

鶯聲滿御堤隄拂柳絲齊風送名花落香紅襯馬

正

珂珮逐鳴騶王孫結伴遊今九落飛鳥乘興醉
樓

寄淮三柳十

葦蕭中闢戶相映綠淮流莫訝春潮濶鷗邊可泊
舟

送李泌

昔別吳堤雨春帆去較遲江波千里絲

山中夜宿

涼月掛層峯
蘿牀落葉里
關深
虎風起
撼長松

登樓

高閣成
望江流
鴈叫哀淒涼
故吳事麋鹿走荒臺

江上

江清白鳥斜
蕩槳
罨蘋花
聽唱菱歌
晚迴塘月照沙

溪上

採蓮溪上女
舟小怯搖風
驚起鴛鴦宿
水雲撩亂

紅

田家

帶水摘禾穗
夜搗具晨炊
縣帖取社長
嗔恠見官遲

宿山中僧

不爇香爐煙
蒲團坐如鐵
嘗想同夜禪
風墮松頂雪

梅灣

白石盤盤磴
清香樹樹梅
山深不吟賞
姑負委蒼苔

六言絕句

思歸

不能經綸大經甘竹草奔閒臣青鎖應須長別白
雲漫與相親

歸山作

心事數莖白髮生涯一片青山空林有雪相待古
道無人獨還

過山莊

板橋人渡泉聲荻簷日午鷄鳴莫嘆焙茶煙暗却
喜曬穀天晴

七言絕句

宮詞

玉樓天半起笙歌風送宮嬪笑語和月殿影開聞
夜漏水晶簾捲近秋河

桃花曲

魏帝宮人舞鳳樓隋家天子泛龍舟君王夜醉春
眠晏不覺桃花逐水流

宿昭應

武帝祈靈太乙壇新豐樹色遶千官那知今夜長
生殿獨閉空山月影寒

憶故園

惆悵多山人復稀
杜鵑啼處淚沾衣
故園此去千餘里
春夢猶能夜夜歸

聽角心歸

故園黃葉滿青苔
夢後城頭曉角哀
此夜斷腸人不見
起行殘月影徘徊

湖中

青草湖邊日色低
黃茆嶂裏鷓鴣啼
丈夫飄泊今如此
一曲長歌楚水西

江村亂後

江村日暮尋遺老
江水東流橫浩浩
竹裏閒窓不見人
門前舊路生青草

江上故居

家在雙峰蘭若邊
一聲秋磬發孤煙
山連極浦鳥飛盡
月上青林人未眠

題葉道士山房

水邊楊柳赤欄橋
洞裏神仙碧玉簫
近得麻姑書信否
潯陽江上不通潮

山中

野人愛向山中宿
况在葛洪丹井西
庭前有箇長

松樹夜半子規來上啼

聽子規

棲霞山中子規鳥口邊血出啼不了山僧後夜初入定聞似不聞

王郎中席歌妓

柳拂青樓花滿衣能歌宛轉世應稀空中幾處聞清響欲遶行雲不遣飛

竹枝詞

帝子蒼梧不復歸洞庭葉下楚雲飛巴人夜唱竹枝後腸斷曉猿聲漸稀

貽朱放

野客歸時無四隣黔婁別久案常貧漁樵舊路不堪入何處空山猶有人

山僧蘭若

絕頂茅菴老此生寒雲孤木伴經行世人那得知幽徑遙向青峰禮磬聲

送柳宜城葬

鳴笳已逐春風咽匹馬猶依舊路嘶遙望柳家門外樹恐聞黃鳥向人啼

短歌行

何處春風吹曉幕江南綠水通朱閣美人二八顏
如花泣向春風畏花落

顧況集卷下

